

PRÆFATIO.

QUÆ in hacce Eumenidum editione adornanda
habuerim emendandi illustrandique subsidia quam
potero brevissime exponam.

Ac, quod primum dicendum est, notas Viri Summe
Reverendi C. J. Blomfieldii S.T.P. Mstas non ita
paucas exhibui, quas mecum ille, quum hujus consilii
per occasionem mentionem injecisset, egregia cum
liberalitate sese communicare velle dixit: ipsi enim tot
et tanta negotia sustinenti omnem his literis in præsens
saltem iterum vacandi spem prorsus evanuisse. Addebat
autem Vir clarissimus, se non tam notas, quam notarum
supellectilem raptim et diversis temporum spatiolis in
adversaria conjectam mihi in manus tradere; nec talem
omnino, qualis forte futura fuisset, si curis iteratis
exornare et ad examen revocare licuisset. Quod Viri
Summi nimiam de his suis notulis expectationem con-
citari vetantis voluntati obsecutus moneo: nec tamen
vereor ne non plus sim gratiæ a studiosis initurus,